

四庫全書

史部

道 河 道 庫 河

都提舉 官鑄運 便利氣 都水事 戊田司 安撫司 常備操

都巡河	河道提督	管河
官	鹽司	中主事
府州長	河防提	及副使
或提舉舉司	司出納	派政兵
河防事	修副使	管河

官

師

張
長

監
官

監
官

河標副將游擊都司守備管塘務千總把總

魏都林
治河咀

欽定歷代職官表

三
魏都林
治河咀

河營叅將韋蕩營叅將游擊守備千總把總

中郎將
休治河

河撫
揮使
叅將
叅議

管河撫
揮使

河道各官

國朝官制

河道總督江南一人

駐淮安清江浦

山東河南一人

駐濟寧州並正二品

直隸一人

以總督兼管

江南河道總督掌黃淮會流入海洪澤湖汕黃濟

運南北運河洩水行漕及瓜洲江工支河湖港疏

濬隄防之事山東河南河道總督掌黃河南下汶

水分流運河蓄洩及支河湖港疏濬隄防之事順

治初止設總河一人總理黃運兩河事務駐劄濟
寧州康熙十六年以後江南河工緊要移駐清江
浦雍正二年以河南武陟中年等縣隄工緊要設
副總河一人駐劄濟寧州總河兼理南北兩河副
總河專理北河七年改總河為總督江南河道副
總河為總督河南山東河道分管南北兩河初南
北兩總河並兼兵部尚書右都御史銜乾隆四十
八年奉

旨以總河無地方之責況又有由道員陞署及簡擢初任之員嗣後但給與兵部侍郎右副都御史銜著為令直隸河道總督掌漳衛入運歸海永定河疏濬隄防之事雍正八年置以直隸總督兼管

河庫道一人河道十一人

河庫道駐劄清江浦掌出納河帑而歲要其成于總督江南淮徐河道駐徐州淮揚河道駐淮安山東運河道駐濟寧直隸永定河道駐固安皆掌專

理河務山東兗沂曹蕪管黃河道駐兗州河南開
歸陳道駐開封彰衛懷道駐武陟直隸通永河道
駐通州天津河道駐天津清河道駐保定大廣順
河道駐大名皆掌分巡所屬而蕪理河務其山東
運河道河南二道直隸五道又蕪掌河帑之出納
管河同知二十七人通判二十五人州同十人州判二
十人縣丞七十三人主簿六十九人巡檢二十五人吏
目二人典史四人蕪管河務知縣十八人

江南淮徐河道轄銅沛邳睢宿虹桃源同知四人

豐蕭碭宿遷運河通判二人二十四汎州同州判

各一人縣丞五人巡檢七人

內大壩運河二汎各巡檢二人

主簿

十有二人淮揚河道轄山清裏河山清外河山安

海防江防同知五人高堰山盱桃源安清中河揚

河揚糧水利通判六人三十八汎州同州判各三

人縣丞十有四人主簿十人巡檢八人又西溪司

安豐司管河巡檢各一人○山東運河道轄運河

郊沂海贛同知二人泃河捕河上河下河泉河通

判五人二十八汎州同州判各三人縣丞九人

內一

丞管二汎主簿十有二人分理泉河州同二人府經歷

三人縣丞六人巡檢一人充沂曹道轄曹單黃河

同知一人四汎縣丞一人主簿二人巡檢一人○

河南開歸道轄上南河下南河同知二人儀考商

虞通判二人十二汎州判一人縣丞七人主簿四

人彰衛懷道轄懷慶黃河開封上北河下北河同

知三人彰德河務衛輝鹽河懷慶河務曹儀河務
通判四人二十汛縣丞八人主簿十人巡檢二人
又林縣管河典史一人○直隸永定河道轄石景
山永定河南岸北岸同知三人三角淀通判一人
十五汛州判三人縣丞主簿各五人吏目二人通
永河道轄北運河務關同知一人北運河楊村蘆
運糧河通判二人十三汛州同一人州判四人縣
丞三人主簿五人天津河道轄南運河津軍河間

河捕同知二人泊河子牙河通判二人西汛清河
故城吳橋管河縣丞各一人東汛景州滄州管河
州判各一人天津管河縣丞一人東光交河南皮
青靜海獻管河主簿各一人青縣管河巡檢一人
清河道轄保定河捕同知一人正定糧馬河通判
一人分汛冀州祁州安州管河州判各一人武強
隆平寧晉魚管河務知縣各一人清苑蠡高陽新
安雄安肅新城管河縣丞各一人保定任唐管河

主簿各一人滿完方順橋管河巡檢各一人深澤
管河典史一人大廣順河道轄廣大漳廣平河務
漳河同知三人分汛永年邢臺沙河南河平鄉廣
宗鉅鹿唐山內邱任元城大名魏東明長垣兼管
河務知縣十有五人元城大名魏長垣管河縣丞
各一人永年成安管河典史各一人凡河務自管
河同知以下為專司知縣為兼職各掌汛河隄堰
壩埝歲修搶修及挑濬淤淺導引泉流并江防海

防各工程同知通判總理督率州同州判以下分

汛防守

牌官四十三人

未入流

掌司牌之啟閉以時蓄洩江南十四牌牌官十有

一人

內一官管四牌

山東四十八牌牌官三十一人

內一官管

二牌者九一官管三牌者四

直隸一人

江南河標副將二人遊擊一人都司三人守備二人管理塘務一人千總八人把總十有六人管理塘務二人

河東河標副將一人遊擊二人都司一人守備二人管理塘務一人千總六人把總十有二人

掌催護工程江南河標中軍副將一人其屬中軍都司一人管理塘務一人左右哨千總二人把總五人河標左營副將一人其屬中軍都司一人千總二人把總三人右營守備一人千總一人把總二人蕭營都司一人把總二人河標右營遊擊一人其屬中軍守備一人左右哨千總三人把總四

人河東河標中軍副將一人其屬都司一人管理
塘務一人千總二人把總四人河標左營遊擊一
人其屬守備一人千總二人把總四人河標右營
遊擊一人其屬守備一人千總二人把總四人

江南河營叅將一人遊擊二人守備二十人千總十有
七人把總三十人葦蕩營叅將一人守備二人千總二
人把總二人山東黃運河營守備一人千總五人把總
二人東昌德州二衛管河守備各一人德州運河南北

兩岸管河千總各一人河南豫河懷河二營守備各一人協辦守備各一人千總四人把總三人直隸永定河營守備一人千總九人把總十有三人

凡河營叅將以下皆掌河工調遣及守汛防險之事葦蕩營叅將以下掌採葦蘆以供修築隄埽之用江南河營叅將轄淮徐營遊擊一人九營守備九人二十一汛千總八人把總十有三人淮揚營遊擊一人十一營守備十有一人二十六汛千總九

人把總十有七人葦蕩營叅將轄左右營守備千
總把總各二人山東黃運河營守備轄七汛千總
五人把總二人河南豫河懷河二營守備轄七汛
千總四人把總三人直隸永定河營守備轄南北
岸淀河三汛千總把總各一人石景山汛千總一
人北運河汛千總把總各三人南運河汛千總一
人把總八人東淀堡船千總一人西淀堡船把總
一人

歷代建置

謹案河自周定王時徙流之後至漢復決屢遣使者塞治嗣後河患罕見未嘗特設官以治之至五代及宋潰溢時聞為患始大於是宋有外都水使者外都水丞金有都水分監元有行都水監河防使等官明則河道總督與漕臣屢為分合此即今總河之沿革特宋金元河患多在兗豫故置監於澶衛滑鄭等州明則全河大勢

南趨又會通河既成與大河實相表裏當事者
惟以利漕護陵為急故總河之官置於濟寧所
治多在淮徐此又其情形之小異者綜其因革
之略漢以後所置都水河隄等官皆在京師所
司者乃天下水利凡川澤津梁渠堰陂池之屬
無不隸焉並非專事河防今其職已併入工部
都水司與河道總督之職較殊但自宋以前防
河並無專官而宋金元之都水外監都水行監

實今日總河之職掌自漢以來之都水使者都水監又宋金元都水外監都水行監之權輿規制雖屬不同而源流未可概略今故仍互見於此表焉

三代

周禮考工記匠人為溝洫尼溝必因水勢防必因地理善溝者水漱之善防者水淫之

謹案通典叙都水之官始於舜之命益作虞周

禮之林衡川衡然虞衡掌山澤之屬禁而貢其
物屬於地官非河渠之職而舜時禹以司空平
水土周禮冬官雖亡而考工記匠人掌為宮室
溝洫實冬官之屬是河渠之事實匠人之所兼
管也

秦

杜佑通典秦漢有都水長丞主陂池灌溉保守河
渠

謹案秦漢之都水長丞東漢時改屬郡國是其
所官設於郡國若今河工同知以下等官也

漢

漢書溝洫志河決於館陶及東郡金隄泛溢兗豫

河隄使者王延世使塞

師古曰命其為
使而塞河也

漢書平當列傳當以經明禹貢使行河為騎都尉

領河隄

關廂十三州志成帝時以校尉王延世為河隄謁

者秩千石或名其官為護都水使者

漢書百官公卿表太常屬官有均官都水兩長丞
大司農屬官有郡國諸倉農監都水六十五官長
丞少府屬官有胞人都水均官三長丞水衡都尉
屬官有衡官水司空都水農倉又甘泉上林都水
七官長丞京兆尹屬官有都水鐵官兩長丞左馮
翊屬官有左都水鐵官雲壘長安四市四長丞右
扶風屬官有都水鐵官廩廩厨四長丞

通典武帝以都水官多乃置左右使者以領之

劉

為左都水使者是也又續漢百官志曰劉向領三輔都水

謹案漢百官表太常大司農少府水衡都尉三
輔皆有都水長丞蓋太常掌陵邑其都水主陵
邑之水利也大司農掌穀貨其都水主郡國農
田之水利也少府掌山海池澤之稅其都水主
郡國山海池澤之水利也水衡都尉掌上林苑
其都水主苑內之水利也三輔之都水各主其

所治邑之水利也而都水使者居京師以領之
有河防重事則出而治之即今總河之任也

後漢書循吏列傳顯宗詔王景與將作謁者王吳
共修作浚儀渠吳用景塢流法水乃不復為害永
平十二年議修汴渠遣景與王吳修渠築隄明年
渠成王吳及諸從事掾史皆增秩一等景三遷為
侍御史十五年拜河隄謁者

通典東京凡都水皆罷之併置河隄謁者

謹案漢侍御史秩六百石王吳由侍御史遷河隄謁者則其秩當千石是東漢之河隄謁者即西漢之都水使者矣

後漢書百官志少府世祖改都水屬郡國○其郡有鹽官鐵官都水官者隨其廣狹置令長及丞秩次皆如縣道官無分土

謹案後漢書百官志大司農亦無都水官蓋與少府皆改屬郡國也又後漢水衡都尉官省而

上林苑本三輔地太常陵邑罷屬三輔而三輔亦列郡也是不獨大司農少府屬官之都水改屬郡國即太常水衡三輔之都水官亦皆分屬於其郡矣

後漢書循吏列傳汴渠成詔濱河郡國置河隄員吏如西京舊制

謹案兩漢之河隄員吏唐之渠長斗門長即後世之肺官也

三國

晉書職官志漢東京省都水置河隄謁者魏因之
酈道元水經注魏景初二年遣都督沙兵部監運
諫議大夫寇茲帥五千人歲常修治平河岨
謹案此為將弁催督河工之始

晉

晉書職官志都水使者漢水衡之職漢又有都水
長丞東京省都水置河隄謁者及武帝省水衡置

都水使者一人以河隄使者為都水官屬及江左
省河隄謁者置謁者六人

通典晉武帝省水衡置都水臺有使者一人

謹案漢之水衡都尉掌上林苑蓋周禮林衡川
衡之職其屬官雖有都水而水衡實不掌治水
猶太常少府之屬有都水而二官初不掌治水
也魏始以水衡都尉主天下水軍舟船至晉改
水衡為都水使者晉諸公贊云陳勰有巧思為

都水使者洛陽記云千金堰陂所造則都水掌
河渠明矣宋書百官志云晉懷帝永嘉六年都
水使者爰濬出督運則晉都水又掌漕運兼今
總漕之職蓋治河治漕事本相資又晉時其務
尚簡故併以一官掌之梁之大舟卿主舟航河
隄隋唐之都水監領舟楫河渠二署舟楫掌公
私轉漕河渠掌修補隄堰皆兼主河漕二務實
與晉時職掌不殊至先天置發運使開元置轉

運使而漕務始有專司於是舟楫署廢都水官始專掌水利於漕務無預矣

通典後漢晉初都水使者有參軍二人蓋亦丞之職任

水經注晉泰始三年遣監運太中大夫都匠中郎將樂世帥衆五千餘人修治河灘

謹案晉以中郎將治河此將弁司河工調遣之始

宋齊梁陳

宋書百官志都水使者一人

冊府元龜齊置都水臺使者一人

隋書百官志大舟卿梁初為都水臺使者天監七年改焉位視中書郎主舟航河隄

通典梁改都水使者為大舟卿陳因之

謹案都水臺使者為晉及宋齊之舊官梁改為大舟卿而兼掌舟航河隄則宋齊之都水使者

亦兼掌河務明矣

隋書百官志梁都水臺使者一人參軍事二人河隄謁者八人

謹案東漢之河隄謁者即西京之都水使者也至晉而河隄為都水之屬至梁又列於參軍之下則其秩轉卑矣

通典梁大舟卿有丞陳因之

北魏

魏書官氏志都水使者第四品中河隄謁者第六品下高祖復次職令都水使者從第五品

通典後魏初有水衡都校及河隄謁者都水使者官至永平二年都水臺依舊置二使者梁大舟卿有丞後魏北齊又曰參軍

謹案魏都水參軍不載於官氏志蓋其品秩當在河隄謁者之下

北齊

隋書百官志齊都水臺管諸津橋使者二人參事
十人

冊府元龜北齊有都水臺使者從第五品有丞及
參事河隄謁者錄事船局都津尉丞典作津長等
員

後周

唐六典周司水中大夫一人

隋

隋書百官志都水臺使者及丞二人參軍三十人
河隄謁者六十人

通典隋開皇二年廢都水臺入司農十三年復置
仁壽元年改臺為監更名使為監煬帝又改為使
者尋又為監加置少監又改監及少監並為令領
舟楫河渠二署○河渠署煬帝置令丞各一人

謹案漢之都水丞其後亦曰參軍至隋丞與參
軍並置而丞與使者並二人是其品秩相亞煬

帝所置之少監即丞之更名也參軍及河隄謁者為都水之屬而丞及少監則都水之貳也

唐

新唐書百官志都水監使者二人掌川澤津梁渠堰陂池之政總河渠諸津監署丞二人掌判監事
○河渠署令一人丞二人掌河渠陂池隄堰魚鹽之事河隄謁者六人掌完隄堰利溝瀆漁捕之事
○諸津令各一人丞二人掌天下津濟舟梁

壩橋凡舟渠之備皆先擬其半砌竹塞竈所在供
馬○州士曹司士參軍事掌津梁舟車

通典唐武德八年置都水臺後復為都水署置令
隸將作貞觀中復為都水監置使者龍朔二年改
為司津監永咸亨元年復舊光宅元年改都水監
為水衡置都尉神龍元年復為都水監置使者二
人分總其事不屬將作領舟楫河渠二署

謹案唐都水之屬有河渠令丞河隄謁者諸津

令而州又有司士參軍掌津梁此即宋時州縣長吏主河隄之所由起也

新唐書百官志每渠及斗門有長一人

五季

冊府元龜後唐莊宗同光中諸寺監各只置大卿監

宋史河渠志河自周顯德初大決東平之楊劉宰相李穀監治自楊劉迄張秋以沮遏之水患少息

司馬光資治通鑑河自楊劉至于博州連年東潰
朝廷屢遣使者不能塞顯德元年十一月帝遣李
穀詣澶鄆齊按視隄塞役徒六萬三十日而畢

謹案此為後世河患之始亦為後世特遣大臣

治河之始

宋

宋史職官志都水監舊隸三司河渠案嘉祐三年
始專置監以領之判監事一人以員外郎以上充

同判監事一人以朝官以上充丞二人主簿一人
並以京朝官充輪遣丞一人出外治河埽之事或
一歲再歲而罷其有諳知水政或至三年置局于
澶州號曰外監元豐正名置使者一人丞二人主
簿一人使者掌中外川澤河渠津梁隄堰疏鑿浚
治之事丞參領之南北外都水丞各一人都提舉
官八人監埽官百三十有五人皆分職治事元祐
四年復置外都水使者五年詔南北外都水丞並

以三年為任

宋史河渠志至和二年詔以知澶州事李璋為總
管轉運使周沆權同知澶州內侍都知鄧保吉為
鈐轄殿中丞李仲昌提舉河渠內殿承制張懷恩
為都監而保吉不行以內侍押班王從善代之以
龍圖閣直學士施昌言總領其事提點開封府界
縣鎮事蔡挺勾當河渠事楊緯同修河決○熙寧
六年始置修濬黃河司將自衛州濬至海口差范

子淵都大提舉官吏奉給視都水監丞司行移與
監司敵體

謹案自東漢以後至唐末卒鮮河患都水之官
皆置司京師遙領河渠之務而已五代河患萌
芽周顯德初大決楊劉至宋而為患益甚於是
始有都水外監是為治河之官在外置司之始
外監分置南北是為治河之官分任南北之始
然宋時治河六塔二股工役妄興東流北流議

論紛起因事置官其名不一故都水監之外又有提舉河渠司都大提舉脩河司皆總河之任也

宋史職官志元祐七年議回河東流乃詔河北東西漕臣及開封府界提點各兼南北外都水事

宋史河渠志元祐七年詔南北外兩丞司管下河埽今後令河北京西轉運使副判官府界提點分認界至內河北仍於銜內帶兼管南北外都水公

事

謹案宋都水監之屬有都提舉八人元祐時又
令轉運使副皆兼都水事此即今日河道之職
都提舉專司河務熙寧四年程昉都大提舉黃
御等河八年都大提舉大名府界金隄范子淵
元豐二年董用臣都大提舉導洛通汴元祐五
年提舉東流故道李偉此即今日淮徐淮揚永
定河道之比漕臣兼理河務此即今日充沂曹

等河道之比

宋史河渠志塘灤諸水所聚因以限遼河北屯田
司緣邊安撫司皆掌之而以河北轉運司兼都大
制置

謹案河北轉運使制置塘灤若今直隸總督兼
總河之職而緣邊屯田安撫司掌塘灤若今直
隸通永清河大名大廣順四道兼河務之事也
宋史河渠志乾道五年詔開封大名府鄆澶滑孟

濮齊淄滄棣濱德博懷衛鄭等州長吏並兼本州
河隄使開寶五年詔自今開封等十七州府各置
河隄判官一員即以本州通判充如通判闕員即
以本州官充咸平五年詔緣河官吏雖秩滿須水
落受代知州通判兩月一巡隄縣令佐迭巡隄防
轉運使勿委以他職

謹案宋之河隄判官即今河工同知以下等專
理河務者也開封大名府鄆澶等州長吏各兼

本州河隄使即今知縣之兼理河務者也

馬端臨文獻通考天下堰二十一監官各一人渡
總六十五處監官各一人皆以京朝官三班使臣
充亦有以本處監當兼掌者

宋史河渠志乾道八年滑州河決壞靈河縣大堤
詔殿前都指揮使韓重贊馬步軍都軍頭王廷義
等督士卒丁夫數萬人治之太平興國七年滑州
復言房村河決發卒五萬以侍衛步軍都指揮使

田重進董其役

謹案此宋以將弁司河務但暫出董役役罷則還與今河營等官常置者不同耳

宋史河渠志舊制歲虞河決有司常以孟秋預調塞治之物梢芟薪柴楫櫪竹石芟索竹索凡千餘萬謂之春料詔下瀕河諸州所產之地仍遣使會河渠官吏乘農隙率丁夫水工收採備用凡伐蘆荻謂之芟伐山木榆柳枝葉謂之梢

謹案治河之用芻茭為要漢塞軻子以薪不屬為憂宋遣使調賦而官不常置至

國朝置葦蕩營以三品武臣主之令河工員弁於沿河隙地捐資種葦柳小楊備用視所植多寡分別甄叙民種者給以冠帶營官得餘葦十萬束以上者叙其勞不及數者有罰不損調採而事易集誠良法也

遼

王圻續文獻通考遼南面都水監設官曰都水大
監都水少監并監丞

金

金史百官志都水監分治監專規措黃沁河衛州
置司監正四品掌川澤津梁舟楫河渠之事少監

從五品

明昌二年增一員衛州分治

丞二員正七品內一員外

監分治貞元元年置掾正八品掌與丞同外監分
治勾當官四員准備分治監差委正大二年外監

東置於歸德西置於河陰○都巡河官從七品掌
巡視河道修完隄堰栽植榆柳凡河防之事分治
監巡河官同此其瀘溝崇福上下埽都巡河兼石
橋使通濟河節巡官兼長春宮地分河道都巡河
官掌提控諸埽巡河官散巡河官黃汴巡河官下
六處河陰雄武滎澤原武陽武延津各設散巡河
官一員黃沁都巡河官下四處懷州孟津孟州城
北各設黃沁散巡河官一員衛南都巡河官下四

處新鄉崇福上崇福下衛南淇上散巡河官各一
員滑濬都巡河官下四處武城白馬書城教城散
巡河官各一員曹甸都巡河官下四處東明西佳
孟華陵城散巡河官各一員曹濟都巡河官下四
處定陶濟北寒山金山散巡河官各一員

金史河渠志黃河沿河上下凡二十五埽六在河
南十九在河北埽設散巡河官一員雄武滎澤原
武陽武延津五埽則兼汴河事設黃汴都巡河官

於河陰以涖之懷州孟津孟州及城北之四埽則
蕪沁水事設蕪沁都巡河官一員於懷州以涖之
崇福上下衛南淇上四埽屬衛南都巡河官則居
新鄉武城白馬書城教城四埽屬濬滑都巡河官
則處教城曹甸都巡河官則總東明西佳孟華陵
城四埽曹濟都巡河官則司定陶濟北寒山金山
四埽者也故都巡河官凡六員後又特設崇樞上
下埽都巡河官蕪石橋使凡巡河官皆從都水監

廉舉總統埽兵萬二千人歲用薪百一十萬三千
餘束草百八十三萬七百餘束椿杙之木不與此
備河之恒制也○大定二十七年以南京府及所
屬延津封邱祥符開封陳留胙城杞縣長垣歸德
府及所屬宋城寧陵虞城河南府及孟津河中府
及河東懷州河內武陟同州朝邑衛州汲新鄉獲
嘉徐州彭城蕭豐孟州河陽溫鄭州河陰滎澤原
武汜水濬州衛陝西閿鄉湖城靈寶曹州濟陰滑

州白馬睢州襄邑滕州沛單州單父解州平陸開
州濮陽濟州嘉祥金鄉四府十六州之長貳皆提
舉河防事四十四縣之令佐皆管勾河防事○泰
和六年尚書省以凡漕河所經之地州縣官以為
無與於已多致淺滯於是遂定制凡漕河所經之
地州府官衙內皆帶提控漕河事縣官則帶管勾
漕河事俾催檢綱運營護隄岸為府三大興大名
彰德州十二恩景滄青獻深衛濬滑磁洺通縣三

十三大名元城館陶夏津武城歷亭臨清吳橋將陵東光南皮清池靖海興濟會川交河樂壽武強安陽湯陰臨漳成安滏陽內黃黎陽衛薊門獲嘉新鄉汲潞武清香河滏陰十二月通濟河叛設巡河官一員與天津同為一司通管漕河牐岸上名天津河巡河官隸都水監○大定八年滹沱河創設巡河官二員○大定二十九年工部言營築河隄用工六百八萬餘就用婦兵軍夫外有四百三

十餘萬工當用民夫詔命去役所五百里州府差
顧仍命彰化軍節度使內族裔都水少監大壽齡
提控五百人往來彈壓明昌四年勅都水監官提
控修築黃河隄及令大名府差正千戶一員部甲
軍二百人彈壓勾當

元

元史百官志都水監二員秩從三品掌治河渠並
隄防水利橋梁肺堰之事少監一員正五品監丞

二員正六品領河道提舉司○大都河道提舉司
提舉一員從五品同提舉一員從六品副提舉一
員從七品○河南山東都水監至正六年以連年
河決為患置都水監以專疏塞之任行都水監至
正八年河水為患詔于濟寧鄆城立行都水監九
年又立山東河南等處行都水監十一年立河防
提舉司隸行都水監掌巡視河道從五品十二年
行都水監添設判官二員十六年又添設少監監

丞知事各一員

元史賈魯傳至正十一年命賈魯以工部尚書為總治河防使進秩二品

元史河渠志至元三年都水監言運河二千餘里漕公私貨物為利甚大自兵興以來失於修治部議以濱河州縣佐貳之官兼河防事於各地分巡如有闕破即率衆修治都省准議

元史泰定帝本紀泰定二年三月姚燁以河水屢

決請立行都水監於汴梁仍命瀕河州縣正官皆
兼知河防事從之

謹案元時河工設官不盡見于史觀此則濱河
長吏佐貳皆兼河防如宋金之制矣

元史河渠志會通河起東昌路須城縣安山之西
南由壽張西北至東昌又西北至于臨清以逾于
御河其長二百五十餘里中建牐三十有一度高
低分遠邇以節蓄洩○至元二十七年都漕運司

副使言去歲流水衝壞埧城汶河土堰兗州泗河
土堰必須移文兗州泰安州差夫修閉又被漲水
衝破梁山一帶隄堰乞移文斷事等官轉下東平
路修閉若以後新河水小直下濟州監牒官並泰
安兗州東平修理○延祐六年金溝牒提領周德
興言每歲夏秋霖雨衝失牒隄必候水落役夫採
薪修治

謹案宋時汴河蔡河廣濟河金水河御河置牒

金時高良河白蓮潭漳河置牒皆見於河渠志
但其設官與否不可考至元開會通河置牒節
宣而監牒官金溝牒提領之名見於此此會通
河置牒官之始

明

明會典總理河漕兼提督軍務一員永樂九年遣尚
書治河自後間遣侍郎都御史成化後始稱總督
河道正德四年定設都御史嘉靖十三年以都御

史加工部職銜提督山東河南直隸河道隆慶四年加提督軍務萬厯五年改總理河漕兼提督軍務八年革

明史河渠志成化七年命王恕為工部侍郎奉敕總理河道總河侍郎之設自恕始也弘治二年命白昂為戶部侍郎修治河道賜以敕嘉靖四十四年命朱衡為工部尚書兼理河漕又以潘季馴為僉都御史總理河道萬厯五年命吳桂芳為工部

尚書兼理河漕而裁總河都御史官桂芳甫受命而卒六年夏潘季馴代自桂芳季馴時罷總河不設其後但以督漕兼理河道十五年命工科都給事中常居敬行河居敬及御史喬璧星皆請復專設總理大臣乃復命潘季馴為右都御史總督河道二十三年總河工部尚書楊一魁議欲分殺黃流以縱淮別疏海口以導黃而督運尚書褚鈇則以江北歲侵民不堪大役欲先洩淮而徐議分黃

二十六年撤欽命一魁兼管漕運三十年帝以楊一魁不塞黃堦口致衝祖陵斥為民分設河漕二臣命曾如春為工部侍郎總理河道

明史潘季馴列傳萬曆十六年起季馴為右都御史總督河道自吳桂芳後河漕皆總理自是始設專官

謹案漕務河務事本相資然自元以前河之潰決未遽有妨於漕也自明時會通河既成二洪

以下黃運兩河實相表裡故策河者必及漕策
漕者必及河明初治運河者有陳瑄宋禮等治
黃河者有王永和石璞徐有貞等而總理河道
之設則自成化七年王恕始然終明之世河漕
之任分合不常自王恕之後至萬歷五年吳桂
芳以工部尚書兼理河漕而河漕之務合至十
六年潘季馴以右都御史總督河道而河漕之
事又分至二十六年又撤總漕而楊一魁兼理

河漕至三十年又分設河漕二臣而曾如春總理河道自是以訖明終河漕之務不復合矣明會典成於明萬曆十五年故於總理河漕云萬曆八年革明史河渠志為萬曆十六年以後書河漕二職之分合頗詳而職官志但襲會典之原文於萬曆時總河之復設不復書須以河渠志參考之乃脩也

明會典運河錢糧通惠河郎中所屬通州東安等

七州縣椿草銀五百三兩六錢五分通州左右神
武等九衛椿草銀六百十六兩○北河郎中所屬
兗州府屬州縣并衛所石灰十三萬八千觔麻
九十六觔椿草麻銀五千五百三十五兩六錢
八分副甄銀二百五十七兩七錢六分安山南旺
等湖租銀三千三百三十五兩二錢四釐八毫各
州縣裁草折徵撈淺淺鋪等夫二千二百八十名
每名歲徵銀十一兩渡夫二名每名歲徵八兩共該銀二萬七千三

百七十六兩萬歷四年議定每名連椿草歲徵銀
六兩著為例每歲共該銀一萬三千六百九十二
兩東昌府屬州縣并帶管德州德州左二衛及清
河縣副甄一萬六千九百九十三箇石灰九千二
百觔椿草蘇麻甄灰銀二千四百八十兩六錢四
分各州縣栽草折徵撈淺淺鋪夫八百六十二名
萬歷四年議定每名連椿草歲徵銀六兩每歲共該銀
五千一百七十八兩河間府屬州縣并衛所椿草

銀二百五十八兩五錢六分葦草銀二百三十五兩三錢六分檉麻副甄銀各五十三兩四分石灰銀二十六兩五錢二分○南河郎中所屬淮安府屬天妃閘以北邳州清桃睢宿五州縣并邳州衛椿草甄灰銀四百六十九兩八分廬鳳二府并滁和二州徵解邳州河隄防守夫銀一萬二千九十六兩徐州并屬縣椿草甄灰銀八百七十九兩八分廬鳳二府并揚州府屬州縣徵解徐州停役夫

協助河工銀一千三百九十九兩二錢徐州庫收
支徐州洪稅協濟河工錢糧歲徵無定額約萬餘
兩不等○管泉主事所屬濟兗二府有泉州縣額
徵泉壩錢糧椿草銀四百五十三兩一錢二分壩
夫銀二百一十一兩二錢裁草泉夫折徵銀九千二
十四兩裁草壩夫折徵銀一千五百四十四兩裁
草洮濟河淺夫折徵銀二百八十八兩萬歷四年
議定每名連椿草歲徵銀六兩○黃河錢糧山東

管河道副使所屬兗州府屬州縣堤鋪夫銀九千八百六十兩○河南管河道副使所屬開封等八府并汝州河堡夫銀三萬二千八百五十三兩

謹案明制河帑直隸江南掌以管河郎中河南掌以副使山東以郎中主事副使分掌今並以道員主之

明史職官志按察使副使僉事分司諸道河南有管河道

明會典濟寧兵備一員專管河鹽臨清兵備一員
帶管分巡馬政河道○弘治三年令山東勸農二
參政兼理山東河道嘉靖八年令徐州兵備副使
兼理曹沛徐淮一帶黃河隆慶六年添設河南副
使一員給敕專管黃河修築隄岸

明史河渠志弘治七年分漕河沛縣以南德州以
北及山東為三道各委曹郎及監司分理○弘治
十一年河南管河副使張鵬請於武陟木欒店別

鑿一渠下接荆隆口

謹案弘治時已有河南管河副使而隆慶六年
又添設一員則管河副使有二員矣山東勸農
參政及濟寧臨清二兵備兼理河務而河南二
副使則專理河務者也

續文獻通考知州同知通判或兼管河分職任事
明會典景泰三年設山東府州縣管河官弘治八
年草淮陽二府山陽等縣管河通判主簿正德二

年草河南新鄉獲嘉武陟等縣管河主簿八年設
大名府通判一員東明長垣武城曹縣主簿各一
員專管河道嘉靖十四年復設直隸景州滄州管
河通判十五年設兗州府同知一員疏濬泉源二
十四年添設歸德府通判一員商邱縣主簿一員
專管河道二十五年改兗州府管泉同知為管河
同知駐劄曹縣添設單縣管河主簿一員萬曆三
年革兗州府南旺管河通判令本府管河同知帶

管仍兼管泉四年添設山東督濬官東平濟寧二
州各判官一員泰安州吏目一員汶上曲阜鄒滕
四縣各縣丞一員泗水魚臺二縣各主簿一員新
泰萊蕪肥城平陰寧陽滋陽嶧七縣各典史一員
鉅野嘉祥共典史一員又添設淮安府管河同知
一員十三年令山東濟青登萊四府管糧同知及
所屬州縣管糧官俱帶管水利

明史職官志壩官閘官掌啟閉蓄洩

續文獻通考開官掌啟閉蓄洩壩官掌典守隄防
各率其役以通舟楫之利

明會典嘉靖十三年復設沽頭開主事并新興黃
家湖陵等七開官吏人夫二十年置境山鎮開及
官吏人夫隆慶六年又題復夏津魚臺二縣各主
簿一員專管新河石隄開壩萬歷十一年設梁境
古洪各開官一員

謹案明時尚有管開主事會典所載有濟寧管

閘主事沽頭管閘主事南旺管閘主事今無此
官

明會典永樂十九年遣侯伯各二員分理濟寧等
閘及徐州呂梁二洪通州等處河道○濟寧衛管
河指揮一員

謹案河自三代以後至宋時漸徙而南為患始
甚然其時河淮猶未合也至明而全河併注於
淮故為患視前代為尤亟而二洪以下運道所

資鳳陽又祖陵所在故治河之任視前代為尤重其後河患不已論者多欲別開運道或欲如元時行海運或欲開膠萊由馬家濠通海道或欲復老黃河故道類皆虛言不可施用惟潘季馴專主保高堰束淮水以刷黃流實為不易之論又明時綱紀漸隳官方不肅任事之臣無不利於河決者侵剋金錢則自總河以至於閘官無所不利支領工食則自執事以至於游閒無

食之人無所不利而獨朝廷受其害上多苟且之政下鮮實心之臣是以河務日壞我

國家六府孔修百川順軌

聖祖仁皇帝軫念河防屢舉

南巡之典

閱視河隄定以清敵黃之法浚張福口引河築歸仁隄
疏人字芒稻諸河改中河運道而移仲莊閘於
楊家莊凡所

指畫悉為治河典則

世宗憲皇帝命發帑金數百萬增築高家堰利賴貽諸
奕世我

皇上法

祖勤民於河工重務尤深

塵念

親臨相度條畫周詳如堅閉高郵三壩高堰五壩定
清口水誌以時拆築開陶莊引河導黃使北加

發高堰磚工接築徐州石堤諸大興作並為自
來河臣所不能知不敢議者備蒙

睿裁指授即平時間有施工之處繪圖入告者仰承
丹毫點定洞悉形勢不爽毫釐河臣等祇稟

宸謨得所遵守是以利興弊革永慶安瀾自古河渠
溝洫志所載議論雖繁施行無當平成之績固
未有盛於

今日者也

欽定歷代職官表卷五十九

欽定四庫全書

史部

欽定歷代職官表卷

六十一

主事臣陳若霖覆勘

纂修兼校勘候選知縣臣范灃

謄錄監生臣李光垣

欽定四庫全書

欽定歷代職官表卷六十

漕運各官表

總督漕運	
	三代秦
	漢後漢三國
	晉
者	宋齊梁陳
都水使者	北魏
都水使者	北齊
都水使者	後周
都水監	隋
都水監	唐
都水監	五季
都水監	宋
都水監	遼
都水監	金
都水監	元
都水監	明

巡視漕務

糧

道

翻

監製

議大夫

監運太 中大夫 督運御 史

中大夫

督運御

大

ਉਦਾਹਰਣ

後

分巡院

1/2

諸略考

運使

諸君

運使

諸家

渠使

糾察

運籌

御史

遊

纂御史

督糧道

管糧同知通判押運通判

今將漢縣

提督

送國運
州縣官

押運知
州通判

押運官
押運官

押運
縣

事
監文主

漕標副將以下官 領運守備千總

漕標副將

督運三
班使臣
軍大將
殿侍

督運
將

押運非
法補授
校尉未
許奏部
人

押運
督運千
總
總指揮

漕運各官

國朝官制

總督漕運一人

正二品兼尚書銜從一品

掌督理漕輓以足國儲凡收糧起運過淮抵通皆以時稽覈催備而總其政令駐劄淮安康熙二十二年定制糧艘過淮後總漕隨運北上率所屬官弁相視運道險易調度全漕察不用命者俾舳艫相接畢渡天津入

觀述職以重官守

巡視漕務四人

掌稽察所巡之地挑淺疏滯趨程糾弊以肅漕政
以給事中御史掄選

簡充一年而代順治初沿明制遣御史巡漕七年裁巡
漕御史以糧道逐程分押雍正七年以糧船過淮
抵通多有陋規分遣御史二人往淮安稽察二人
往通州稽察乾隆二年定制巡漕御史四人一駐

淮安巡察江南江口至山東界一駐濟寧巡察山東臺庄至直隸界一駐天津巡察至山東界一駐通州巡察至天津

督糧道江南二人山東河南江西浙江湖南湖北各一

人
正四品

掌監察兌糧督押運艘而治其政令江南江安糧道駐江寧蘇松糧道駐常熟山東糧道駐德州河南以開歸道兼理及江西浙江湖北湖南糧道並

駐省城每年糧船起幫督押過淮盤驗畢回任料理
新疆山東河南糧道每年押運抵通雍正四年
令總漕於江蘇二糧道內每年委一人親押過山
東入牕俟江南糧船盡數過淮即回本任乾隆四
十八年定各省糧道俱押本省糧船抵臨清盤驗
方回本任惟山東糧道上下饋運俟總漕押送尾
幫抵臨清然後回任

謹案明時十三省各以布政司叅議督糧

國朝亦沿明制各省並設督糧道以司倉儲江南
山東河南江西浙江兩湖而外若福建陝西廣
東雲南貴州皆有糧道甘肅有巴里坤糧道然
皆非總漕所轄其職掌皆入司道表中於漕事
無與也

管糧同知六人

正五品

通判三十三人

正六品

掌監兌漕糧凡米色之美惡兌運之遲延及運軍
橫肆苛求衙役需索姦蠹包攬攙和等弊皆司其

禁戢之政初漕糧以府推官監兌康熙六年各府
推官既裁改委同知通判山東以武定府同知濟
南兗州東昌泰安曹州五府通判河南以歸德衛
輝懷慶三府通判江南以江寧蘇州松江鳳陽四
府管糧同知蘇州安慶寧國池州太平廬州揚州
七府管糧通判松江鎮江徐州三府糧捕通判淮
安府軍捕通判浙江以湖州府同知杭州嘉興二
府通判江西以南昌吉安臨江三府通判湖北以

武昌漢陽黃州安陸德安荊州六府通判湖南以

長沙衡州岳州三府通判

押運同知通判十六人

正六品

掌督押糧艘管束運軍禁沿途遲延侵盜攬和之

驛山東一人河南一人江南七人

舊制五人乾隆元年增二人

浙江三人江西二人

舊制一人乾隆元年增一人

湖北一人

舊制

四人乾隆元年裁三人

湖南一人總漕會同督撫于各省同

知通判內選委抵通日倉場侍郎送部引

見部給限單管押回空到淮總漕察覈逾限者叅處

漕標副將一人

從二品

遊擊一人

從三品

都司二人

正四品

守

備二人

正五品

管理塘務一人千總四人

從六品

把總十人

掌催發糧艘漕標副將一人所屬中營都司一人

守備二人左營都司一人右營遊擊一人管理塘

務一人左右哨千總四人把總十人

領運守備五人衛守備九人

正五品

守禦所千總十三人

從五品

千總一百八十六人

從六品

隨幫効力武舉每幫一

人

漕糧領運直隸通州左所右所天津左所右所領

運千總各一人

均領河
南運

○山東濟寧衛守備一人

前後及前左後右漕船四幫任城一幫每幫領運

千總二人德州衛德州左衛東平守禦所東昌衛

濮州所平山前幫後幫領運千總各二人臨清衛

山東前幫後幫

領本
省運

河南前幫後幫

領河
南運

薊糧幫

運送直
隸薊州

每幫領運千總二人○江南江安糧道所

屬興武江淮二衛守備各一人漕船各九幫淮安

衛守備一人漕船四幫大河衛守備一人漕船三

幫揚州衛守備一人漕船三幫儀徵一幫徐州衛

守備一人本衛漕船一幫河南前後二幫

領河南運

安

慶新安宣州建陽廬州滁州泗州七衛漕船各一

幫鳳陽衛守備一人本衛漕船常州一幫原鳳中

常州三幫長淮衛守備一人本衛漕船四幫宿州

衛二幫每幫領運千總二人○浙江杭州衛漕船

四幫嘉興湖州嚴州二所各一幫台州温州二衛
各二幫每幫領運千總二人紹興處州二衛漕船
前幫領運守備各一人千總各一人後幫領運千
總各二人海寧衛金衢所領運守禦千總各一人
衛千總各一人○江西南昌衛漕船前幫領運守
備一人千總一人後幫領運千總二人袁州贛州
二衛漕船各一幫領運守備各一人千總各一人
九江衛漕船二幫領運千總各二人吉安安福永

新撫州建昌廣信鉛山饒州八所漕船各一幫領
運守禦千總各一人衛千總各一人○湖北武昌
衛武昌左衛蘄州黃州襄陽沔陽岳州五衛荊州
衛荊州左衛右衛湖南三幫領運千總各一人以
上各省各幫每幫隨幫効力武舉一人○白糧領
運江蘇蘇州府太倉州運白糧船共一幫松江常
州二府各一幫浙江嘉興湖州二府各一幫領運
千總每幫各二人隨幫効力武舉各一人

歷代建置

謹案三代無漕運之事秦漢變封建為郡縣始
漕郡國之粟以給京師然漢時漕事皆郡縣自
辦朝廷未嘗設官以領之西漢末嘗置都尉以
司其防護至東漢初又罷晉初始以大司農部
護漕掾其後又以都水使者督運然司農本掌
倉儲都水官職司水利皆非專掌漕事者自是
以後至唐開元以前公私漕運皆以都水官兼

掌而已自唐先天置發運使開元又置轉運使
于是領漕始有專職宋遼金沿唐制置發運轉
運漕運等使至明置漕運總督而今因之此實
漕運一官之沿革也然唐開元以前之大司農
都水官雖非專司漕事而其時別無統領漕運
之官職掌所及未可概畧大司農已見倉場侍
郎表都水官已并入工部都水司職中又見河
道表今互見其畧于此表焉又案漕運有資以

給京師者有資以給邊境及軍旅者通典漕運
一門二者並載但總漕一官專主於京師之輓
運而軍興與邊塞所需皆不與焉通典中所載
如秦之轉輸北河隋之運糧涿郡鄧艾之開渠
陳項刁雍之造舟沃野雖並闕于足食實無與
于上供今並不錄云

三代

未置

謹案三代之時王畿千里之外皆為侯國其於

天子惟有服食器用之貢而無粟米之輸將至畿內之地禹貢所謂總糴粟米則又皆民間自為運致而已故其時無司轉運之官若春秋時秦輸晉粟自雍及絳吳城邦溝以通運道則以恤鄰國之災患與自給其師旅之費既非所以供天子之都而亦不以為經常之法也

秦

新唐書食貨志杜佑言秦漢運路出浚儀十里入

琵琶溝絕蔡河至陳州而合○秦漢時故漕興成
堰東達永豐倉

謹案漕運實始于秦主父偃言秦飛芻輓粟起
于黃腫琅邪負海之郡轉輸北河此以海運給
邊塞唐志言秦時運道如此此以河運給京師
然掌運之官尚未見於史也

漢

漢書卜式列傳為成臯令將漕最○朱博列傳為

護漕都尉

後漢書光武帝本紀建武七年二月罷護漕都尉

官

謹案漢初漕關東粟以給中都官歲不過數十萬石至武帝時河東守番係言漕從山東西歲百餘萬石至宣帝時大司農耿壽昌言故事歲漕關東穀四百萬斛以給京師蓋其為數之多如此賈誼新書云今漢越兩諸侯之中分而乃

以廬江為之奉地雖秦之遠邊過此不遠是江
淮之粟當時已至京師蓋其為塗之遠又如此
然漢書百官表後漢百官志皆不見有專司轉
運之官惟護漕都尉之官見於朱博傳未知其
所由起然第主其防護而已亦非總領漕運之
事蓋漢時關東穀給中都官者皆郡國自遣人
輸送太倉令居京師以受之而已意秦制亦必
如此蓋漕畿外之粟以供天庾始於秦漢而掌

運尚未有專官也

三國

酈道元水經注魏景初二年二月帝遣都督沙丘部監運諫議大夫寇茲平河嶺

謹案魏時漕事蓋亦郡國自遣官輸送而朝廷遣大夫監之此即後世巡漕御史之任也

晉

晉書職官志大司農統襄國都水長東西南北部

護漕掾

宋書百官志晉武帝置都水使者懷帝永嘉六年
劉聰入洛陽都水使者爰濬先出督運得免然則
武帝置職使掌運矣

謹案秦有治粟內史掌穀貨漢改為大司農其
屬有太倉令受郡國傳漕穀蓋若今倉場侍郎
受漕粟而轉運則非其所掌也晉初大司農統
護漕掾始以受粟之官兼職運粟之事矣漢置

都水使者以主水利至晉時以都水使者督運則又以河渠之官兼司轉漕之務矣哀帝以司農并入都水後雖復置司農而不復領漕務第以都水官兼掌自此以後宋之都水使者兼掌舟航及運部梁之大舟卿兼主舟航河隄隋唐之都水監兼領舟楫河梁二署皆與晉時職掌無異至唐先天時置發運使開元時置轉運使于是舟楫署廢而都水監始於漕務無與矣

水經注晉泰始三年五月武帝遣監運太中大夫
趙國都匠中郎將河東樂世修治河灘

晉書孝武帝本紀太元六年置督運御史官

謹案魏時有監運諫議大夫晉泰始時有監運
太中大夫是魏晉時常以大夫監運孝武置督
運御史即監運大夫之職後世以御史巡漕實
昉於此

宋齊梁陳

宋書百官志都水使者一人掌舟航及運部

謹案宋以都水使者掌運部齊梁以後及北朝
皆因之其職蓋兼有今河道漕運二總督之任
表亦互見焉

北魏

杜佑通典魏三門都將薛欽上言計京西水次汾
華二州恒農河北河東平陽等郡年常綿絹及貲
麻皆折公物僱牛車送京道險人弊費公損私畧

計華州一車官耐絹八疋三丈九尺別有私人僱
價布八十匹河東一車官耐絹五匹二丈別有私
人僱價絹五十匹自餘州郡雖未練多少推之遠
近應不減此今求車取僱絹三匹市材造船不勞
採斫計船一艘舉十三車車取三匹合有三十九
匹僱作手併匠及船上雜具食直足以成船計一
船騰絹七十八匹布七百八十匹又租車一乘官
格二十斛成載私人僱價遠者五斗布一匹近者

一石布一匹准其私費一車有布遠者八十匹近者四十匹造船一艘計舉七百石准其僱價應有千四百匹今取布三百匹造船一艘并船上覆理雜事計一船有賸布千一百匹又其造船之處皆須鋸材人功併削船茹依功多少即給當州郡兵不假更召汾州有租傭調之處去汾不過百里華州去河不滿六十并令計程依舊酌價車送船所船之所運惟達雷陂其陸路從雷陂至倉門調一軍

僱絹一匹租一車布五匹則于公私為便尚書度
支郎中朱元旭計稱今較薛欽之說驗跡未彰而
指况甚善所云以船代車是策之長者若以門兵
造車便為闕彼防城無容全依宜令取僱車之物
市材就作及倉庫所須悉以營辦七月之始十月
初旬令州郡綱典各受租調于所在然後付之十
車之牛留車士四人佐其守護粟帛上船之日隨
運至京將共監慎如有耗損同其陪徵河中缺失

專歸運司輸京之時令其即納不得雜合違失常
體必使量上數下謹其受入自餘一如其例計砥
柱之艱號為天險迅驚千里未易其功然既陳便
利無容輒抑若效充其說則附例酌庸如其不驗
徵填所損今始開狃不可懸生減折且依請營立
一年之後須知贏費歲遣御史校其虛實脫有乖
越別更量裁尚書崔林按欽所列實允事宜郎中
之計備盡公理但舟楫所通遠近必至苟利公私

不宜只在前件昔人乃遠通褒斜利關中之漕南
達交廣以增京洛之饒況乃漳洹夷路河濟平流
而不均彼省煩同茲巨益請諸通水之處皆宜率
同此式縱復五百三百里車運水次計較利饒猶
為不少其欽所列州郡如請興造東路諸州皆先
通水運今年租調悉用舟楫若船有所缺且賃假
充事比之僦車交代息耗其先未通流宜遣檢行
閒月修葺使理有可通必無壅滯如此則發召匪

多為益實廣一爾暫勞久安永逸詔從之而未能盡行也

北齊

隋書食貨志齊租入臺者五百里內輸粟五百里外輸米

後周

唐六典周司水中大夫一人

謹案後周之司水即魏齊之都水使者也後魏

齊周掌運之官皆不見于史然前此則晉以都水使者督運同時南朝則宋之都水使者掌舟航運部當時官制相沿其職掌諒當不異又北史魏刁廩為薄骨律鎮將于河水之次造舟水運更以魏薛欽朱元旭之所言者觀之是當時租調有鎮將之處則鎮將主其輸將無鎮將之處則州郡職其綱運而都水官居京師以領之也

隋

通典隋開皇二年廢都水臺入司農十三年復置
仁壽元年改臺為監更名使者亦為監煬帝又改
為使者尋又為監加置少監又改監及少監為令
領舟楫河渠二署

謹案隋都水監所領之舟楫署即主水運之官
也晉嘗并司農入都水隋初又嘗并都水入司
農蓋倉儲與漕輓之事本相關通故或以漕輓

之職兼倉儲或以倉儲之官兼漕輓也

唐六典隋潼關渭南皆有倉以轉運之各有監官
謹案隋黎陽洛口諸倉監官如今倉監督已見
倉場侍郎表惟潼關渭南監官兼司轉運則如
今之押運官也

唐

舊唐書職官志都水監總河渠舟楫二署之官屬
舟楫署令一人丞二人掌公私漕運之事

新唐書百官志都水監舟楫署有令一人掌舟楫
運漕漕正二人府三人史六人監漕一人漕史二
人典事六人掌固八人上元二年署丞二人掌漕
運隱失開元二十六年署廢

舊唐書食貨志開元二十二年以裴耀卿為黃門
侍郎同中書門下平章事充江淮河南都轉運使
以鄭州刺史崔希逸河南少尹蕭昊為副天寶三
載楊釗以殿中侍御史為水陸運使肅宗初第五

琦請以江淮分置租庸使市輕貨以救軍食遂拜
監察御史為之使乾元元年加度支郎中尋兼中
丞為鹽鐵使寶應元年以侍御史穆寧為河南道
轉運租庸鹽鐵使尋加戶部員外遷鄂州刺史以
總東南貢賦是時朝議以寇盜未戢關東漕運宜
有倚辦遂以通州刺史劉晏為戶部侍郎京兆尹
度支鹽鐵轉運使鹽鐵兼轉運自晏始也晏始以
鹽利為漕傭自江淮至渭橋率十萬斛傭七千緡

補網吏督之不發丁男不勞郡縣蓋自古未之有也自此歲運米數千萬石自淮北列置巡院搜擇能吏以主之廣德二年復以第五琦專判度支鑄錢鹽鐵事而晏以檢校戶部尚書為河南尹及江淮已來轉運使永泰二年晏為東道轉運常平鑄錢鹽鐵使琦為關內河東劍南三川轉運常平鑄錢鹽鐵使貞元元年元琇以御史大夫為鹽鐵水陸運使八年詔東南兩稅財賦自河南江淮嶺南

東道至于渭橋以戶部侍郎張滂主之河東劍南山南西道以戶部尚書度支使班宏主之順宗即位以杜佑判鹽鐵轉運使理於揚州大中五年二月以戶部侍郎裴休為鹽鐵轉運使明年八月以本官平章事依前判使始者漕米歲四十萬斛其能至渭倉者十不三四漕吏狡蠹敗溺百端官舟之沈多者歲至七十餘隻緣河姦犯大紊晏法休使寮屬按之委河次縣令董之自江津達渭以四

十萬斛之傭計緡二十八萬悉使歸諸漕吏巡院
胥吏無得侵牟由是三歲漕米至渭濱積一百二
十萬斛無升合沈棄焉

新唐書李傑列傳先天中進陝州刺史水陸發運
使置使自傑始韋堅列傳擢為陝郡太守水陸運
使

新唐書食貨志開元初河南尹李傑為水陸運使
運米歲二百五十萬石二十五年崔希逸為河南

陝運使歲運百八十萬石二十九年陝郡太守李
齊物鑿砥柱為門以通漕

舊唐書德宗本紀大歷十四年以杜亞為陝州長
史充轉運使建中二年以姚明敷為陝州長史本
州防禦陸運使貞元元年以李泌為陝州長史陝
虢都防禦觀察陸運使十四年以崔宗為陝州大
都督府長史陝虢觀察水陸轉運使十六年以河
南少尹張式為河南尹水陸轉運使

謹案唐初以都水監領舟楫署主公私漕運至
先天中置水陸發運使開元中置都轉運使于
是舟楫署廢而都水官始不領漕事矣水陸發
運使後又曰水陸運使又曰水陸轉運使或但
曰陸運使蓋唐時江淮民送租庸者皆輸於東
都由東都陸運至陝又由陝水運至京師所謂
水陸運使者掌自東都至京師水陸之轉運也
其但曰陸運使則以水運之事併於諸道轉運

使而此但掌其陸運也至元和六年而陝州刺史不帶運使則又以水陸運事並歸於諸道轉運使也故宣宗時韓休為轉運使以平河縣令董漕事自江達渭則河渭漕事皆轉運使主之矣大約唐之發運使轉運使皆為今總漕之職然發運使專司東都至京師轉運之事都轉運使則總司諸道而又兼掌鹽鐵及貨財出入之柄又兼今鹽漕察院倉場侍郎之職也

舊唐書敬宗本紀長慶四年五月東都江陵監大轉運留後並改為知院官從其使王涯請也

司馬光資治通鑑廣明元年二月高駢奏改揚子院為發運使胡三省注宋朝江淮發運使本此

謹案唐自開元以後以轉運使總各道租庸鹽鐵之轉輸以巡院留後分司之即今各省糧道之職任也廣明時高駢奏改揚子院為發運使至五代及宋鹽鐵轉運使變而為三司使而江

淮六路之財賦但以發運使專主之矣

新唐書食貨志故事州縣官充綱送輕貨四萬書
上考開成初為長定綱州擇清強官送兩稅至十
萬遷一官往來十年者授縣令江淮餞積河陰轉
輸歲費十七萬餘緡行綱多以盜抵死判度支王
彥威置縣遞羣畜萬三千三百乘使路傍民養以
取傭日役一驛省費甚博而宰相亦以長定綱命
官不以材江淮大州歲授官者十餘人乃罷長定

網送五萬者書上考七萬者減一選五十萬減三選而已及戶部侍郎裴休為使以河瀕縣令董漕事自江達渭運米四十萬石居三歲米至渭橋百二十萬石

謹案唐兩稅皆民自輸送而州縣遣官督之通鑑所載盧承慶為司列太常伯考一督運官遭風失米者是也貞元時轉運鹽鐵使嘗奏諸院自差網般運然其後又以州縣官充網如故開

元初州縣官充綱送兩稅往來十年者授縣令
則綱運官皆以簿尉充之與

五季

五代史張延朗列傳梁興置租庸使領天下錢穀
廢戶部度支鹽鐵之官莊宗滅梁因而不改明宗
入立廢其使以大臣一人判戶部度支鹽鐵號曰
判三司詔以延朗充三司使

謹案唐時鹽鐵轉運使司鹽鐵租庸之轉輸而

兼掌財貨出納之柄梁改置租庸使後唐又置
三司使而猶仍唐制以鹽鐵轉運合為一司則
尚領漕務也至宋而三司使鹽鐵一司不帶轉
運但以糧料案兼掌御河漕運發運案兼掌汴
河廣濟蔡河漕運則於邦計詳而於漕務畧矣

宋

宋史職官志發運使副判官掌漕淮浙江湖六路
儲廩以輸中都紹興二年用臣僚言省罷以其職

事分委漕臣八年再置經制發運使以徹猷閣待
制程邁充邁上疏以租庸常平鹽鐵鼓鑄各分於
諸司而總於戶部發運使無所用之固辭不行九
年遂廢發運使以戶部侍郎梁汝嘉為經制使檢
察中外失陷錢物與催未到綱運為職未幾復以
臣僚言分其責于諸路監司乾道六年復置以戶
部侍郎史正志為兩浙京湖淮廣福建等路都大
發運使是冬以奏課誕謾貶併廢其職○都轉運

使轉運使副使判官掌經度一路財賦而察其登耗有無以足上供及郡縣之費熙寧初詔河東河北陝西三路漕臣許棗傳赴闕留母過浹日既又詔三路漕臣自辟屬各二員以京朝官曾歷知縣者為之元祐初司馬光請漕臣除三路外毋得過二員其屬官溢員亦省之紹聖中詔淮浙江湖六路上供米計其近遠分三限自季冬至明年八月以次輸足大觀中陝西漕臣以四員為額政和中

又詔陝西以三員熙泰兩路各二員宣和初又詔陝西以都漕兩員總治于長安而漕臣三員分領六路中興後置官掌一路財賦之入或別置隨軍轉運使一員或諸路事體當合一則置都轉運使

以總之

江東西路分置三帥置都轉運使一員張公濟為兩浙荆湖廣南福建都運趙開為

四川都運隨軍及都運廢置不常而正使不廢若副使

若判官皆隨資之淺深稱焉○食貨志太平興國八年擇強幹之臣在京分掌水陸發運使雍熙四

年并水陸路發運為一司端拱元年罷京師水陸發運使以其事分隸排岸司及下卸司大中祥符初江南淮南兩浙荆湖路租糴于真揚楚泗州置倉受納分調舟船汴流入汴以達京師置發運使領之陝西諸州菽粟自黃河三門沿流入汴以達京師亦置發運使領之粟帛自廣濟河而至京師者京東之十七州由石塘惠民河而至京師者陳顥許蔡光壽六州皆有京朝官廷臣督之河北衛

州東北有御河達乾寧軍其運物亦廷臣主之
馬端臨文獻通考東萊呂氏曰國初未嘗有監司
之目其始除轉運使只因軍興專主糧餉班師即
停罷太祖開寶五年命二叅政事薛居正呂餘慶
兼領提舉諸州水陸轉運使明年薛居正沈義倫
拜相復以二相兼提舉水陸漕運事累朝以武臣
為帥守而兼漕事或以文臣任帥守兼漕

謹案宋於各路置轉運使以司一路之賦入而

江南淮南兩浙荆湖六路又置發運使以總領其事蓋本唐時之揚子院留後以鹽鐵轉運副使充之廣明時高駢奏改為發運使至宋而鹽鐵轉運使變置三司使而江淮沿唐制置發運使以總鹽漕茶務實即唐時轉運之職也然宋之轉運使其初置本專以督糧餉而其後于一路之事無所不統邊防盜賊刑獄按廉之任皆總之蓋其稱雖曰漕帥而實則為今日藩司之

任矣其職掌已詳司道表中今仍互見於此焉
宋史食貨志初荆湖江浙淮南諸州擇部民高貲
者部送上供物舟人侵盜官物民破產不能償乃
詔牙吏部送勿復擾民○熙寧七年十二月詔濬
廣濟河增置漕舟其後河成歲漕京東穀六十萬
石東南諸路上供雜物舊陸運者增舟水運押汴
河江南荆湖綱運七分差三班使臣三分軍大將
殿侍○政和七年立東南六路州軍知州通判裝

發上供量斛任滿賞格自一萬石至四十萬石升
名減年有差○宣和二年詔六路米麥綱運依法
募官先募未到部小使臣及非泛補授校尉以上
未許叅部人并進納人管押淮南以五運兩淮及
江東二千里內以四運江東二千里外及江西三
運湖南北二運各欠不及五釐依格推賞外仍許
在外指射合入差遣一次召募土人並罷

遼

遼史百官志轉運司職名總目某轉運使某轉運
副使同知某轉運使某轉運判官○山西路轉運
使司轉運判官司楊哲興宗重熙二十年為山西
轉運使○奉聖州轉運使司聖宗開泰三年置○
蔚州轉運使司應州轉運使司朔州轉運使司保
州轉運使司並開泰三年置○西山轉運使聖宗
太平三年見西山轉運使郎元化

金

金史百官志都轉運司使正三品掌稅賦錢穀倉
庫出納權衡度量之制同知從四品副使正五品
都勾判官從六品紀綱衆物分判勾案惟南京勾
判兼上林署丞戶籍判官二員從六品舊止一員
承安四年增置一員不許別差專管拘收徵剋等
事支度判官三員從六品掌勾判分判支度案事
鹽鐵判官一員從六品都孔目官二員勾稽文牘
知法二員從八品

都勾案戶籍案鹽鐵案支度案
開折案司吏女直八人漢人九

十人抄事一人譯史三人通事一人押遞五十人
監運諸物公使八十人惟中都路置都轉運司餘
置轉運司省戶度判官各一員南京西京北京遼
東山東西路河北東路則置女直知法漢知法各
一員山東東路河東南路北路河北西路陝西東
路西路則置漢知法一員餘官皆同中都置女直
司司吏遼東路十人西京北京山東西路各五人
餘路皆四人譯史遼東路三人餘各二人通事各
一人漢人司司吏課額一百八十萬貫以上者五
十人百五十萬貫以上四十五人百二十萬貫以
上四十人九十萬貫以上三十五人六十萬貫以
上三十人三十萬貫以上二十五人不及三十萬
貫二十人公使人各七十人押遞南京山東東西
路河東南路河北西路各五十人西京河東北路
河北東路各四十人○泰和八年十一月省議以轉
人餘路各三十人

運使權輕州縣不畏不能規措錢穀遂詔中都都轉運依舊專管錢穀事自餘諸路按察使並兼轉運使副使兼同知簽按察並兼轉運副添按察判官一員為從六品中都西京路按察司官止兼西京路轉運司事遼東轉運使兼按察副使同知轉運使兼簽按察司使轉運副使兼按察判官

謹案金於諸路設轉運使而於京師設都轉運使以總之都轉運使又主倉庫之出納及支度

鹽鐵之政實即唐鹽鐵轉運使之職但唐時皆以宰相或他官充使而金則別置一官耳

金史百官志漕運司提舉一員正五品景州刺史

兼領掌河倉漕運之事同提舉一員正六品勾當

官從八品掌催督起運綱船

司吏六人分掌課使起運兩科各設孔目

官前後行各一人公使八十一人押綱官七十六人

景州依此置肇州以提

舉兼本州同知同提舉兼州判

謹案金都於燕京師有都轉運使又於景州置

漕運司提舉猶唐置諸道轉運使而又於陝號
置發運使也金漕運司提舉秩正五品然於都
轉運使各為一司不相統轄至元而提舉司為
都漕之屬矣

金史河渠志泰和元年尚書省以景州漕運司所
管六河倉歲稅不下六萬餘石其科州縣近者不
下二百里官吏取賄延阻人不勝苦雖近官監之
亦然遂命監察御史二員往來糾察之

元

元史百官志京畿都漕運使司秩正三品運使二員正三品同知二員正四品副使二員正五品判官二員正六品經歷一員正七品知事一員從八品提控案牘兼照磨二員掌凡漕運之事世祖中統二年立漕運所至元五年改漕運司秩五品十二年改都漕運司秩四品十九年改京畿都漕運使司秩正三品二十四年內外分立兩運司而京

畿都漕運司之額如舊止領在京諸倉出納糧斛
及新運糧提舉司站車僱運公事省同知通判知
事各一員而押綱官隸焉延祐六年增同知副使
運判各一員其後定置官員已上正官各二員首
領官四員吏屬令吏二十一人譯史二人回回令
史二人通事一人知印二人奏差一十六人典吏
二人○新運糧提舉司秩正五品管站車二百五
十輛都提舉一員同提舉二員副提舉一員吏目

一人司吏八人奏差十二人○通惠河運糧千戶
所秩正五品掌漕運之事中千戶一員中副千戶
二員○都漕運使司秩正三品掌御河上下至直
沽河西務李二寺通州等處備運糧斛至元二十
四年自京畿運司分立都漕運司于河西務置總
司分司臨清運使二員正三品同知二員正四品
副使二員正五品運判三員正六品經歷一員從
七品知事一員從八品提控案牘二員內一員兼

照磨司吏三十三人通事譯史各一人奏差一十六人典吏一人○滎陽等網凡三十網設押網官二員計六十員秩正八品每編船三十隻為一網船九百餘隻運糧三百餘萬石船戶八千餘戶網官以常選正八品為之○兩都陸運提舉司秩正五品掌兩都陸運糧斛之事至元之十六年始置運糧提舉司延祐四年改今名提舉二員從五品副提舉一員從七品吏目一員司吏六人委差一十

人海王庄七里庄魏家庄鵬八庄四所各設提領
一人用從九品印○海道糧運萬戶府至元二十
年置秩正二品掌每歲海道運糧供給大都達魯
噶齊一員萬戶一員並正三品副萬戶四員從三
品經歷一員從七品知事一員從八品照磨一員
從九品鎮撫二員正五品○海運千戶所秩正五
品達魯噶齊一員千戶二員並正五品副千戶三
員從五品若溫台若慶元紹興若杭州嘉興若崑

山崇明常熟江陰等處凡五所○漕運司至元二年五月京畿都漕運司添設提調官運副運判各一員九年添設海道巡防官給降正七品印信掌統領軍人水手防護糧船巡防官二員相副官二員○防禦海道運糧萬戶府至正十五年七月陞台州海道巡防千戶所為防禦海道運糧萬戶府九月置分司于平江

元史羅璧傳至元十二年始運江南糧而河運弗

便十九年因丞相巴延

滿州語富也原作伯顏今改正

言初通海

道漕運立運糧萬戶三而以壁與朱清張瑄為之
薛應旂續資治通鑑元糧運仰給江南者或自浙
西涉入江淮由黃河逆至中灤陸運至淇門入御
河以至京師又或自利津河或開膠萊入海勞費
無成巴延平宋時遣朱清張瑄等載宋庫藏諸物
從海道入京師二人遂言海運可通乃命總管羅
璧暨瑄等造船六十艘運糧四萬六千餘石由海

道入京然創行海洋亦逾年始至朝廷未知其利

仍通舊運尋復因孟古岱

蒙古語有銀也原作忙兀解今改正

言海

運為便遂立萬戶府四總其事又併四府為都漕
運萬戶府一止令清瑄二人掌之

元史食貨志至元二十五年內外分置漕運司二
其在外者於河西務置司領接運海道糧事至大
四年遣官至江浙議海運事時江東寧國池饒建
康等處運糧率令海船從揚子江逆流而上江水

湍急又多石磯走沙漲淺糧船俱壞歲歲有之又
湖廣江西之糧運至真州始入海船船大底小亦
非江中所宜於是嘉興松江入糧並江淮江浙
財賦府歲糧辦充海運海運之利至是博矣

元史世祖本紀至元十九年十月由大都至中灤
中灤至瓜州設南北兩漕運司命游顯專領江浙
行省漕運二十年八月濟州新開河成立都漕運
司二十二年二月增濟州漕舟三十艘後夫萬二

千人初江淮歲漕米百萬石於京師海運十萬石
膠萊六十萬石而濟之所運三十萬石水淺舟大
恒不能達更以百石之舟舟用四人故夫數增多
二十五年二月改濟州漕運司為都漕運司併領
濟之南北漕京畿都漕運司惟治京畿二十六年
正月海船萬戶府言山東宣慰司樂實所運江南
米陸負至淮安易聞者七然後入海歲止二十萬
石若由江陰入江至直沽倉民無陸負之苦且米

石省運估八貫有奇乞罷膠萊道運糧萬戶府而
以漕事責臣當歲運三十萬石詔許之二十八年
正月罷江淮漕運司併于海船萬戶府由海道漕
運

謹案元都于燕資海運以給京師然世祖平宋
之初江淮之運尚未專由海道有中灤運道有
新開河運道有膠萊運道其司漕務者有江淮
都漕運使濟州都漕運使膠萊萬戶府其後海

運通利而江淮濟州漕運司及膠萊萬戶府皆
罷其京畿都漕運使則掌自通州運至京師又
分置都漕運司于河西務及臨清接領海運自
直沽運至通州而河南山東之漕不由于海道
者亦掌焉都漕運使海運萬戶並為今總漕之
任而京畿河西務兩都漕掌諸倉以收納漕糧
又兼今倉場侍郎之職也至兩都陸運提舉司
掌自大都運米至上都隸于兵部本非都漕之

屬以其職掌運粟故因類而附錄之焉

明

明史食貨志明初命武臣督海運嘗建漕運使尋
罷成祖以後用御史又用侍郎都御史催督郎中
員外分理主事督兌其制不一景泰二年始設漕
運總督於淮安與總兵叅將同理漕事漕司領十
二總十二萬軍與京操十二營軍相準初宣宗令
運糧總兵官巡撫侍郎歲八月赴京會議明年漕

運事宜及設漕運總督則併令總督赴京至萬厯十八年後始免凡歲正月總漕巡揚州經理瓜淮過閘總兵駐徐邳督過洪入閘同理漕叅政管押赴京攢運則有御史郎中押運則有叅政監兌理刑管洪管廠管閘管泉監倉則有主事清江衛河有提舉兌畢過淮過洪巡撫漕司河道各以職掌奏報○職官志總督漕運兼提督軍務巡撫鳳陽等處兼管河道一員太祖時嘗置京畿都漕運司

設漕運使永樂間設漕運總兵官以平江伯陳瑄
治漕宣德中又遣侍郎都御史少卿等官督運至
景泰二年因漕運不繼始命副都御史王竑總督
因兼巡撫淮揚廬鳳四府徐和滁三州治淮安成
化八年分設巡撫總漕各一員九年復舊正德十
三年又分設十六年又復舊嘉靖三十六年以倭
警添設提督軍務巡撫鳳陽都御史四十年歸併
改總督漕運兼提督軍督務

明會典督運官員總督都御史一員總兵官一員
謹案明永樂時設漕運總兵官蓋倣元時海運
萬戶府之制以武臣總漕務宣德時或遣侍郎
都御史等官督運而不常置漕務實總于總兵
景泰中始設漕運總督於是總漕與總兵同司
漕務而總漕之權重則總兵之任輕矣漕運總
督並兼巡撫淮揚雖成化正德嘉靖間皆嘗分
置巡撫然自嘉靖四十年歸併之後至崇禎時

不改故朱大典史可法皆以總督漕運兼巡撫
廬鳳淮揚等郡又明自弘治時置總河侍郎與
總漕分理河漕其後二職亦分合不常明史職
官志沿明會典之文故總漕以兼管河道著銜
蓋明會典成于萬歷十五年其時河漕并為一
職至萬歷十六年河漕又分理而職官志未之
及也其詳見于河道表中

明史職官志十三道監察御史在外巡漕僉運

明會典僨運御史一員

舊用戶部郎中一員三月奏差後改差御史

謹案明會典永樂十六年令沿河壩閘每三處差御史一員僨運十七年令侍郎都御史並武職大臣各一員催督糧務宣德二年差侍郎五員都御史一員催督浙直府軍民糧運四年差侍郎都御史少卿郎中等官僨運弘治二年議准每歲于戶部郎中員外郎主事內推選一員領敕催僨運船隆慶六年題准給僨運郎中關

防蓋明時僨運或遣卿貳或遣部曹或遣御史
至萬厯時始定差御史而今因之

明史百官志督糧道十三布政司各一員俱駐省
城

明會典天順元年令各處監兌民糧司府州每歲
承委後先行本部知會徑赴總督漕運官處比較
○成化二十一年令每年戶部差官一員於山東
河南南京戶部差官四員于浙江江西湖廣南直

隸地方督同各司府州縣正官并管糧官徵兌○
弘治三年取回各處監兌主事官止令各該管糧
官監兌七年令兩京戶部差主事等官于湖廣江
西浙江山東河南及南直隸等府催督監兌民糧
○正德七年題准改委戶部屬官四員分往南直
隸浙江江西湖廣地方監兌○嘉靖四十四年題
准南直隸浙江江西湖廣等處監兌官各給關防
一顆

謹案明時以各司府州正官及管糧官徵兌漕糧又遣主事五員分督之見於明會典者如此國初以府推官監兌乃沿明末之制蓋明之監兌主事萬厯十六年以後嘗罷遣而專以府佐監兌也

明會典押運叅政一員

明史百官志漕運總兵官永樂二年設總兵副總兵統領官軍海運海運罷專督漕運天順元年又

令兼理河道協同督運叅將一人

天順元年設

把總十

二人

南京二江南直隸二江北直隸二中都一浙江二山東一湖廣一江西一

明會典運糧官軍南京把總二各領衛十三錦衣

衛廣洋衛江陰衛龍虎衛鎮南衛神策衛府軍衛

府軍右衛豹韜左衛龍江右衛金吾後衛虎賁左

衛留守左衛

以上把總一員領

旗手衛府軍左衛金吾前

衛府軍後衛興武衛瀋陽右衛應天衛橫海衛水

軍左衛水軍右衛龍虎左衛龍江左衛羽林左衛

以上把總
一員領

○江南直隸把總二領衛所十九建陽

衛新安衛安慶衛九江衛宣州衛鷹揚衛豹韜衛

武德衛留守右衛虎賁右衛

以上上
把總領

江鎮江衛太

倉衛蘇州衛鎮海衛留守中衛驍騎右衛羽林右

衛嘉興守禦千戶所松江守禦千戶所

以上下江
把總領

○江北直隸把總二領衛所十五淮安衛大河衛

泗州衛邳州衛壽州衛

以上上
一員領

揚州衛高郵衛

儀真衛廬州衛六安衛滁州衛通州守禦千戶所

泰州守禦千戶所鹽城守禦千戶所興化守禦千

戶所

以上把總
一員領

○中都把總一領衛所十一留守

左衛留守中衛鳳陽衛鳳陽右衛鳳陽中衛懷遠

衛長淮衛宿州衛武平衛潁州衛洪塘湖屯田千

戶所○浙江把總二領衛所十三杭州前衛杭州

右衛紹興衛海寧衛海寧守禦千戶所湖州守禦

千戶所嚴州守禦千戶所

以上浙
西
把總領

寧波衛台州

衛温州衛處州衛衢州守禦千戶所金華守禦千

戶所

以上浙東
把總領

○山東把總一領衛所十九臨清

衛平山衛東昌衛濟寧衛兗州護衛東守禦千戶

所濮州守禦千戶所

以上係本
總原領

徐州衛徐州左衛

歸德衛德州衛德州左衛天津衛天津左衛天津

右衛通州左衛通州右衛定邊衛神武中衛

以上
係裁

革
入本總數

○湖廣把總一領衛所十

舊有
衛嘉靖間改

顯陵衛舊有安陸衛
改承天衛俱免運

武昌衛武昌左衛蘄州衛黃

州衛荊州衛荊州右衛岳州衛襄陽衛沔陽衛德

安守禦千戶所○江西把總一領衛所十一南昌
衛袁州衛贛州衛吉安守禦千戶所安福守禦千
戶所永新守禦千戶所撫州守禦千戶所建昌守
禦千戶所鉛山守禦千戶所廣信守禦千戶所饒
州守禦千戶所○宣德三年奏准各都司衛所選
委指揮等官專一運糧不許別項差操○五年令
巡按御史布按二司及漕運都指揮選舉管糧官
員軍多衛指揮二員少者一員○十年令都督運

糧都指揮等官許乘糧船一隻量帶官糧○凡有漕運地方成化十六年添設佐貳都指揮一員專掌漕運不與軍政

謹案前明漕運設旗甲以輓運之設運總以統領之設漕道糧道以督押之設總漕巡漕以提衡巡察之逮於

國朝循用不改然自宋以前皆用民運至元設萬戶府始以軍運明初行支運之法軍民並任其

事其後變為兌運又變為長運民雖免於輸將
失業而軍民交兌不免需索之弊

國初改為官收官兌酌定贈貼官為支給軍民兩
便實為良法

列聖軫念民食湛恩時霈民間荒歉則有改折之條運
軍挂欠則有寬免之令燭吏胥之刁難以清弊
竇禁商船之起撥以惠行旅深仁厚澤有加無
已

皇上恩及運丁曲加體恤

天庾豐盈於上而軍忘輓運之勞民有倉箱之積
洵前古所未有也

欽定歷代職官表卷六十